

— 5 —

CHANSON AR BONOMIC.

DEBONJOUR dèc'h, Jannedic,
 Bonjour dèc'h a lavaràn, bremàn;
 Bonjour dèc'h a laràn.
 Pelec'h e mèn'r Bonomic,
 Pa ne mèn o tommâ, bremàn?
 Pelec'h e mèn'r Bonomic,
 Pa ne mèn o tommâ?

E mèn duze el liors,
 Oc'h evessat an ed, me a gred,
 Oc'h evessat an ed.
 It-hu hardi d'e gavet,
 Ha n'ho refuso qet, me a gred;
 It-hu hardi d'e gavet,
 Ha n'ho refuso qet.

Debonjour dèc'h, Bonomic,
 Bonjour dèc'h a laràn, bremàn;
 Bonjour dèc'h a laràn :
 Cònje ho merc'h Jannedic
 Diganèc'h a c'houlennàn, bremàn;
 Cònje ho merc'h Jannedic,
 Da zemezi'r bloa-màn.

— 6 —

Eleal, va merc'h Janned

Ne zemezo get c'hoas, evit c'hoas;

Ne zemezo get c'hoas :

Chom a rai'n daou pe dri bloas

Da roul' an ebad c'hoas, evit c'hoas;

Chom a rai'n daou pe dri bloas

Da roul' an ebat c'hoas.

Bez' ho po geuz, Bonomic,

Beza va refuset, me a gred,

Beza va refuset.

C'houi deuyo d'he ofr din-me,

Mes n'he c'hemerin get, me a gred;

C'houi deuyo d'he ofr din-me,

Mes ne c'hemerin get.

Dalit ho sac'h, Cloareguig,

Laqit-àn var ho scoa, ia da;

Laqit-àn var ho scoa.

Coulz eo dèc'h en caout bremàn

Evel en caout da vloa, ia da;

Coulz eo dèc'h en caout bremàn

Evel en caout da vloa.

Neuze' c'ha'r C'hloarec yaouanq

Da gavet Janned.... oh! oh! oh!...

Da gavet Janned.... oh!...

Eur poqic, va doucic coant,

Ouzoc'h a c'houlennàn bremàn;

Eur poqic, va doucic coant,

— 7 —

Ouzoc'h a c'houlennàn.

El léac'h eur poqic, va douc,
C'houi pezo daou ha tri, ia, c'houi!
C'houi pezo daou ha tri;
Ha mallos d'ar goal dèodou
Zo cos d'hon disparti, oh! ia, ni!
Ha mallos d'ar goal dèodou
Zo cos d'hon disparti.

Aben eun eiz de goude,
Janned zo chommet clàn, ia, clàn!...
Janned zo chommet clàn;
Ma commanç ar Bonomic
Dont d'en em chagrinàn : hàn! hàn!
Ma commanç ar Bonomic
Dont d'en em chagrinàn.

Neuze e za'r Bonomic,
E za da fouetta brô, ho! ho!
E za da fouetta brô,
Da glasq ar C'hloarec yaouanq,
Da guemer Janned, oh! oh! oh!
Da glasq ar C'hloarec yaouanq,
Da guemer Janned, oh!

Debonjour dèc'h, Cloareguic;
Bonjour dèc'h a laràn, bremàn;
Bonjour dèc'h a laràn :
Aboue ma oc'h bet dumàn,
Janned zo chommet clàn, oh! ia, clàn!

— 8 —

Aboue ma zoc'h bet dumàn,
Janned zo chommet clàn !

Laret'm boa d'ec'h, Bonomic,
Ho pije va c'hlasqet, hac abret;
Ho pije va c'hlasqet;
E teujec'h d'he offr din-me;
Mes n'he c'hemerjen qet, ne rin qet;
E teujec'h d'he offr din-me;
Mes ne c'hemerin qet.

Dalit ho sac'h, Bonomic,
Laqit-àn var ho scoa, oh ! ia da;
Laqit-àn var ho scoa :
Coulz eo d'ec'h en caout breman
Evel en caout da vloa, oh ! ia da;
Coulz eo d'ec'h en caout brema
Evel en caout da vloa.

FIN.



E Montroulez, eus a Imprimeri LÉDAN.